



## **Crisis Theologica**

**Cárdenes, Juan de**

**Sevilla, 1687**

Cap. II. Prima quæstio deciditur.

---

[urn:nbn:de:hbz:466:1-75689](#)

esse capacem absolutionis, qui ignorat mysteria, vbi videtur abstrahere ab ignorantia invincibili, & vincibili. In secunda parte specificatur magis ignorantia vincibilis, & culpabilis, & exprimit ea duo mysteria, affirmatque, sic ignorantem hæc mysteria esse capacem absolutionis.

9. Præmitto tertio, quomodo intelligenda sit ea prima pars propositionis damnatae, quæ dicit, esse capacem absolutionis eum, qui ignorat mysteria Fidei; an intelligatur generaliter de omnibus mysterijs Fidei, an solum de aliquibus? Et quidem si loqueretur solum de aliquibus indeterminate, ea propositionis pars non esset damnabilis; certū enim est, capacem esse absolutionis eum, qui ignorat aliqua mysteria Fidei; sunt enim aliqua, ad quæ explicite credenda non tenetur fidelis necessitate medij, neque necessitate præcepti: quale est, quod Christus D. sepultus fuerit in sepulchro novo, & multa alia, quæ sunt in Evangelio de gestis Christi Domini. Quare sensus propositionis damnatae, & prioris eius partis est de omnibus Mysterijs Fidei, vel de omnibus præcipuis ex obligacione credendis.

10. Præmitto quarto, quinque questiones esse in præsenti decideridas. Prima est, an hic damnatur propositio affirmans, capacem esse absolutionis, qui ignorat invincibiliter mysteria credenda explicite necessario necessitate medij? Secunda est, an ignorans culpabiliter Mysteria Trinitatis, & Incarnationis sit capax absolutionis? Et an pars affirmativa questionis maneat hic damnata? Tertia est, an ignorans inculpabiliter eadem duo mysteria sit capax absolutionis? Quarta est, an dum dicitur in hoc decreto incapax absolutionis, intelligatur esse incapax illici-

te, an etiam invalide? Quas questiones singulas per singula capita decidemus.

## C A P V T II.

## Prima quæstio deciditur

## S V M M A R I V M.

*Prima quæstio de ignorantie invincibiliter, quæ explicite credenda sunt necessitate medij. num. 11.*

*Qui hoc ignorat, est incapax absolutionis. num. 12.*

*Afferere esse capacem damnatur in hac propositione. num. 13.*

11. **P**rima quæstio est, an hic damnata maneat proposto qua afferat, [capacem esse absolutionis eum, qui ignorat etiam invincibiliter mysteria, quæ explicite credenda sunt necessario necessitato medij? Exemplum est in eo, qui ignorans Deum esse remuneratorem remuneratione æterna accedit ad confessionem, & petit absolutionem à confessario. Constat enim ex disert. Fidem explicitam Dei vt remuneroris retributione æterna esse medium simpliciter necessarium ad iustificationem.

12. Et primo quidem tamquam certum tenendum est, cum non esse capacem absolutionis. Patet. Non est capax absolutionis, qui non adhibet medium necessarium ad iustificationem; nam quod est medium necessarium ad iustificationem, est medium necessarium ad absolutionem, sed qui ignorat Deum vt remuneratorem, non adhibet medium necessarium ad iustificationem; cum Fides explicita, & notitia Dei vt remuneratoris sit medium necessarium ad illā. ergo qui id ignorat,

Ccccc rat,

## DISERTATIO XXXI. CAP. III.

rat, etiam invincibiliter non est capax absolutionis.

13. Deinde dicendum est, eam propositionem sub illis formalibus terminis conceptam, esse damnatam in hoc decreto. Etenim prima pars propositionis damnatae, ut dixi cap. præcedenti, cum non possit habere sensum particularem, habet utique sensum universalem, de omnibus mysterijs Fidei, vel de omnibus præcipuis ex obligatione credendis; sed in hoc sensu universali, quod [capax est absolutionis, qui ignorat omnia mysteria Fidei, vel omnia præcipua] continetur ista, [capax est absolutionis, qui ignorat mysteria Fidei necessaria necessitate medijs.] Ergo etiam hæc propositio damnata manet. Nam sicut est de Fide, quod Deus vult, Petrum salvum fieri; quia est de Fide, quod Deus vult omnem hominem salvum fieri, quia prima continetur in secunda: ita in hac universali. [Ignorat omnia mysteria Fidei] includitur haec [ignorat mysteria Fidei, quæ sunt necessaria necessitate medijs.] Et idèò propositio quæ loquitur de prima, loquitur de secunda; & ubi damnatur prima, damnatur, & secunda.

### CAPUT III.

*An ignorans culpabiliter ea duo mysteria sit capax absolutionis?*

### SUMMARIUM.

*Qui ignorat haec Mysteria Trinitatis, & Incarnationis non est capax absolutionis. num. 14.*

*Quid faciet confessarius cum rustico, de quo suspicatur esse ignarum. num. 15.*

*Dum suspicatur, & negavit fieri cer-*

*tior, absolvat num. 16.*  
*Etiam si certus sit de ignorantia rusticorum moribundi, absolvat sub conditione. num. 17. & 18.*

*An id continetur sub damnatione. num. 19.*

14. **P**ars affirmans in hac quæstione est, quæ expresse damnatur in hoc decreto tamquam scandalosa; hæc enim est secunda pars propositionis damnatae: censeoque, eam, esse evidenter fallam. Probatur. Nō est capax absolutionis, qui actualiter peccat mortaliter, dum absolvitur, ut ostendi in 3 part. Cris. Theolog. disp. 70. cap. 4. art. 2. sed qui ignorans culpabiliter hæc duo mysteria absolvitur, iste peccat mortaliter, dum absolvitur: ergo est incapax absolutionis. Probatur minor. Nam licet hoc præceptum adiscendi doctrinam Christianam de his mysterijs, quia affirmativum est, non obliget pro semper, sed in talibus circumstantijs, at nulla circumstantia virgenter considerari potest, dum homo vivit, quam circumstantia confessionis Sacramentalis; vnde tunc peccat mortaliter, quia tunc virget præceptum. Deinde, quia etiam est præceptum non ignorandi, siue non differendi notitiam horum mysteriorum, & hoc modo obligat semper, & pro semper. Vnde tunc peccat mortaliter, quia tunc virget præceptum non differendi eam notitiam. Præcepta, quod hæc ignorantia culpabilis sit peccatum mortale, dubitari non potest, cum materia præcepti sit a deo gravis.

15. Inquires primo. Quid ergo faciet confessarius qui vocatus ad conferendum Sacramentum Poenitentiae homini moribundo rustico, & in sylvis continuo commoranti, presumit eum esse ignorarum horum mysteriorum; & quia summe gravatus est infirmitate, non potest inquirere, an habeat